


Na John F. Kennedy School: Ladronnan a forza caha fuerte y bay cu placa



ORANJESTAD(AAN) -- Diferente biaha ladronnan tabata di bishita na John F.Kennedy school.

E biaha aki ladronnan a forza e caha fuerte cu ta 30 aña bieuw y a bay cu un suma di placa.

Durante entrevista cu e cabezante di e school, señor van Bochove, el a bisa cu den e caha fuerte tabata tin tur e examennan ya cu ta den temporada di examen.

Tambe e caha fuerte tabata contene papelnan di importancia y mas o menos 4000 Florin.

For di e tayer e ladronnan a bay cu diferente herment. Segun señor van Bochove, e ladronnan aparentemente a


usa e hermentnan aki pa forza e caha fuerte.

Señor van Bochove a duna di conoce cu pa añas nan a pidi gobierno pa pone guardia na e school, como cu ta trata aki di e school cu mas placa involvi na Aruba, pero te ainda nada.

No ta promer biaha cu

ladronnan a causa desastre na e school. Señor van Bochove a bisa cu e ultimo biaha cu e ladronnan a causa desastre, ta hopi placa a worde gasta pa reparacion di e machinnan.

E tempo ey segun van Bochove a haci un oferta pa haya guardia 24 hora pa dia na e school pero te cynan e asun-



to a yega atrobe.

E maestronan na e school ta lamenta cu tipo di cosnan asina ta tumando lugar. Un di e maestronan a bisa cu den su local e tin un aparato cu costa mas o menos 12.000 florin y ta di lamenta cu un dia e mester yega school y e aparato aki a desaparece.

E cabezante di John F.Kennedy school ta spera cu e biaha aki nan peticion ta yega

na oido di gobierno y cu muy pronto nan lo haya guardia pa vigila e school.

Awor gobierno mester bay percura pa e school haya un caha fuerte.

30 Aña Tanki Leendert Jeugd Centrum

ORANJESTAD (AAN)- Awe dia 26 di April Tanki Leendert Jeugdcentrum ta recorda cu 30 aña pasa el a worde funda. E fecha memorabel aki ta cay hunto cu e esfuerzonan pa rebiba y reconstrui e centro juvenil. Directiva actual hunto cu e grupo di cooperadornan, ta trahando duro ariba plannan nobo pa Tanki Leendert Jeugd Centrum.

Pa recorda e di seis lustro directiva di Tanki Leendert Jeugd Centrum ta ofrece un

brindis na henter e pueblo di Tanki Leendert ariba tereno di centro juvenil.

E programa pa e dia aki lo ta:

7'or di mainta:Hisamento di bandera di Aruba ariba tereno di Tanki Leendert Jeugdcentrum

5.30 di atardi: Ponemento di krans na graf di e fundador y prome presidente di Tanki Leendert Jeugdcentrum.

Severiano Luidens (q.e.p.d.). 6'or - 8'or Brindis pa e pueblo di Tanki Leendert y ex-


posicion di potret.

Directiva ta invita henter e pueblo di Tanki Leendert pa bay celebra e di 30 aniversario di Tanki Leendert Jeugd Centrum y pa apoya e plannan pa rebiba y reconstrui e centro juvenil.

UVARNET.
FRANCE
Optica & Aruba
ENNIA SHOPPING GALLERY
Nassaustraat 85 - Oranjestad,
Aruba TEL. 22882

**PA MOTIBO DI INVENTARIO
LO TA SERA
DIA 28 y 29 di APRIL
E DEPARTAMENTO POR MAYOR
di**

**MARTIJN TRADING Co. Ltd.
Italiestraat No. 1 - Tel. 21492**



Diadomingo a tuma lugar na YMCA San Nicolas, apertura di e parque infantil. Na Aruba tabata presente 47 miembronan di YMCA Down Town Minneapolis USA pa instala e parque. Presidente di YMCA Aruba a entrega presidente di YMCA di Down Town Minneapolis un plaquette como aprecio pa nan donacion. E parque tin un costo di 48.000 Dollar.